

Classe 601 - Individual poem

Nos poules / En disgrâce

par Amelia Perchard

J'sis dans la carre! J'sis en disgrâce!

M'mèe dit qué j'sis méchante;

Car j'ai mîns nos poules à banon

Coumme les siennes à ma tante!

Il' ont gratté dans les allées,

Travaillant d'toutes lus forches -

Fait la poudrette dans les bordeuses

Et mangi la caboche!

Mais vraînement j'en ai pas èrgret,

Les poules ont ieu l'pliaîsi -

Car j'sis bein seûse qu'i' taient ennyées

D'êt' dans chu poulailli!